



«ԱՐՑԱՆ ՀԷԿ» ԲԲԸ

ԼՂՀ, ք. Ստեփանակերտ, Ա. Առաքելյան 10

ԷԿԿԱՆ ՓԱՍՏԵՐԸ ԵՎ ՏԵՂԵԿՈՒԹՅՈՒՆՆԵՐԸ ՆԵՐԱՌՈՂ ՓԱՍՏԱԹՈՒՂԹ

«Արցախ ՀԷԿ» բաց բաժնետիրական ընկերության բաժնետերերի ընդհանուր ժողովի կողմից ընդունված որոշումը

2011 թվականի օգոստոսի 1-ին կայացել է «Արցախ ՀԷԿ» բաց բաժնետիրական ընկերության բաժնետերերի ընդհանուր ժողով:

Ստորև ներկայացվում է ժողովի կողմից ընդունված որոշումը (ժողովի արձանագրությունը կազմվել է 01.08.2011թ.-ին):



Վ. Բեգլարյան

(ստորագրություն)

Գլխավոր Տնօրեն, Տնօրենների խորհրդի անդամ

05.08.2011թ.

«ԱՐՑԱՆ ՀԷԿ» ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ
ԲԱԺՆԵՏԵՐԵՐԻ ԸՆԴՀԱՆՈՒՐ ԺՈՂՈՎ

ՈՐՈՇՈՒՄ

«01» օգոստոսի 2011 թ.

N 01

ք.Ստեփանակերտ

«ԱՐՑԱՆ ՀԷԿ» ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԿՈՂՄԻՑ ՍՈՎՈՐԱԿԱՆ
ՆԱԿԱՆԱԿԱՆ ԲԱԺՆԵՏՈՄՍԵՐԻ ԼՐԱՑՈՒՑԻՉ ՏԵՂԱԲԱՇՆՄԱՆ ՄԱՍԻՆ ՈՐՈՇՈՒՄ
ԸՆԴՈՒՆԵԼՈՒ ՄԱՍԻՆ

Հիմք ընդունելով «Բաժնետիրական ընկերությունների մասին» Լեռնային Ղարաբաղի Հանրապետության օրենքի 60-րդ հոդվածի 1-ին կետի բ) ենթակետը, «Արցախ ՀԷԿ» բաց բաժնետիրական ընկերության կանոնադրության 11.6 կետի թ) ենթակետը և «Արցախ ՀԷԿ» բաց բաժնետիրական ընկերության 01.08.2011թ. Բաժնետերերի արտահերթ ժողովի արձանագրությունը՝ «Արցախ ՀԷԿ» բաց բաժնետիրական ընկերության Բաժնետերերի արտահերթ ժողովը.

1. Լրացուցիչ տեղաբաշխել 3.673.926.000 (երեք միլիարդ վեց հարյուր յոթանասուներեք միլիոն ինը հարյուր քսանվեց հազար) ՀՀ դրամ

ընդհանուր ծավալով, 3.673.926 (երեք միլիոն վեց հարյուր յոթանասուներեք հազար ինը հարյուր քսանվեց) հատ, 1.000 (մեկ հազար) ՀՀ դրամ անվանական արժեքով ոչ փաստաթղթային հասարակ անվանական բաժնետոմս:

2. Սույն որոշումն ուժի մեջ է մտնում 2011 թ. օգոստոսի 2-ից:

Ժողովի նախագահ՝

Ս. Թևոյան»



05.06.2011թ.

«ԱՐՑԱՆ» ՀԴԿ՝ ԲԱՅ ԲԱԺՆԵՏԻՐՈՒԿԱՆ ԸՆԴՈՒՆՈՒԹՅԱՆ
ԲԱԺՆԵՏՐԵՐԻ ԸՆԴՈՒՆՈՒՄ ԺՊՈՎԻ

ՈՐՈՇՈՒՄ

«01» օգոստոսի 2011 թ.

N 01

ք.Առնիփամակերտ

«ԱՐՑԱՆ» ՀԴԿ՝ ԲԱՅ ԲԱԺՆԵՏԻՐՈՒԿԱՆ ԸՆԴՈՒՆՈՒԹՅԱՆ ԿՈՂՄԵՆՈՎՈՐԲԱՆ, ՄԿԱՆԱԿԱՆ ԲԱԺՆԵՏՐՈՒՄԵՐԻ ԼՐԱՑՈՒՑԻՉ ՏՈՒՄԱԾԱԿԱՆ ՍԱՆՍՆ՝ ՈՐՈՇՈՒՄ
ԸՆԴՈՒՆՈՒՄ ԱՆՍԻՆ

Չեզ ընդունելով «Բաժնետիրական ընկերությունների մասին» ևնրանից
*արտաստի Հանրապետության օրենքի 60-րդ հոդվածի 1-ին կետի թ) ենթակետը,
«Արցախ ՀԴԿ» քաղ բաժնետիրական ընկերության կանոնադրության 11.8 կետի թ)
ենթակետը և «Արցախ ՀԴԿ» քաղ բաժնետիրական ընկերության 01.08.2011թ.
Բաժնետերերը արտահերթ ժողովի արժանագրությունը՝ «Արցախ ՀԴԿ» քաղ
բաժնետիրական ընկերության Բաժնետերերի արտահերթ ժողովը.

1. Խնայուցիչ տեղաբաշխել 3.673.926.000 (երեք միլիոնը վեց հարյուր
յոթանասուներեք հազար ինը հարյուր քսանվեց հազար) ՀՀ դրամ

«ԱՐՑԱԽ ՀԷԿ» ԲԲԸ

3 673 926 000 ՀՀ դրամ անվանական արժեքով 3,673,926 հատ ոչ փաստաթղթային հասարակ անվանական բաժնետոմսերի տեղաբաշխման պայմաններ

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. «ԱՐՑԱԽ ՀԷԿ» ԲԲԸ-ն (այսուհետև նաև՝ Ընկերություն) սույնով՝
 1.1.1. սահմանում է իր կողմից թողարկվող 3 673 926 000 ՀՀ դրամ անվանական արժեքով 3 673 926 հատ ոչ փաստաթղթային հասարակ բաժնետոմսերի (այսուհետև՝ Բաժնետոմսեր) տեղաբաշխման պայմանները՝ հիմք ընդունելով «Բաժնետիրական ընկերությունների մասին» ԼՂՀ օրենքի, Ընկերության կանոնադրության պահանջները,
 1.1.2. կանոնակարգում է նշված բաժնետոմսերի տեղաբաշխման առնչությամբ առկա փոխհարաբերությունները:

2. ՀԻՄՆԱԿԱՆ ՊԱՀՄԱՆՆԵՐ

2.1. Ընկերության կողմից տեղաբաշխվող բաժնետոմսերի տեղաբաշխման հիմնական պայմաններն են՝

2.1.1.	Բաժնետոմսերի դասը	Հասարակ անվանական բաժնետոմսեր
2.1.2.	Բաժնետոմսի ձևը	Ոչ փաստաթղթային
2.1.3.	Տեղաբաշխման ենթակա բաժնետոմսերի ընդհանուր ծավալը	3 673 926 000 ՀՀ դրամ
2.1.4.	Անվանական արժեքը	1 000 ՀՀ դրամ
2.1.5.	Քանակը	3 673 926 հատ
2.1.6.	Շրջանառության ձևը	ազատ շրջանառության իրավունքով
2.1.7.	Տեղաբաշխողի մասին	«ԱՐՄՍՎԻՍԲԱՆԿ» ՓԲԸ Տեղաբաշխման ուղղված հարաբերությունները կարգավորվում են «ԱՐՄՍՎԻՍԲԱՆԿ» ՓԲԸ-ի և Ընկերության միջև կնքվող պայմանագրով:
2.1.8.	Վճարման պայմանները (միջոցը և ժամկետները) և կարգը	Տեղաբաշխվող բաժնետոմսերի դիմաց վճարումն իրականացվում է միայն դրամական եղանակով: Բաժնետոմսերի դիմաց վճարումները կատարվում են ՀՀ դրամով՝ մինչև տեղաբաշխման ավարտի օրը: Վճարումներն ընդունվելու են անկանխիկ ձևով՝ «ԱՐՄՍՎԻՍԲԱՆԿ» ՓԲԸ-ում բացված բանկային հաշվին միանվագ կերպով փոխանցումների միջոցով: Ֆիզիկական անձինք Բաժնետոմսերի ձեռք բերման համար անհրաժեշտ գումարները Բանկ կարող են միանվագ կերպով մուտքագրել նաև կանխիկ եղանակով: Կանխիկ եղանակով գումարները մուտքագրելու դեպքում ներդրողը բաժնետոմսերի ձեռք բերման հայտին կից Բանկ է ներկայացնում նաև անձնագրի պատճենը:
2.1.9.	Բաժնետոմսերի սեփականատերերի իրավունքները և պարտականությունները	Բաժնետոմսի սեփականատեր հանդիսացող բաժնետերն Օրենքի և Ընկերության կանոնադրության համաձայն իրավունք ունի. որպես իրավունք <ul style="list-style-type: none"> մասնակցել Ընկերության բաժնետերերի ընդհանուր ժողովին՝ վերջինիս իրավասությանը պատկանող բոլոր հարցերի նկատմամբ ձայնի իրավունքով, ֆինանսական տարվա ավարտից հետո 60 օրվա ընթացքում ներկայացնել երկուսից ոչ ավելի առաջարկություններ բաժնետերերի ընդհանուր ժողովի օրակարգի վերաբերյալ, ինչպես նաև առաջարկել

		<p>Խորհրդի և վերստուգող հանձնաժողովի անդամության թեկնածուներ, եթե նա հանդիսանում է ձայնի իրավունք ունեցող բաժնետոմսերի առնվազն 2 տոկոսի սեփականատեր,</p> <ul style="list-style-type: none"> • մասնակցել Ընկերության կառավարմանը, ստանալ շահութաբաժիններ Ընկերության գործունեությունից առաջացած շահույթից, • առաջնահերթ կարգով ձեռք բերել Ընկերության կողմից տեղաբաշխվող բաժնետոմսերը, եթե օրենքով և Ընկերության կանոնադրությամբ այլ բան նախատեսված չէ, • ստանալ Ընկերության գործունեության վերաբերյալ ցանկացած տեղեկատվություն (բացառությամբ գաղտնի փաստաթղթերի) • Ընկերության բաժնետերերի ընդհանուր ժողովում իր իրավունքները ներկայացնելու համար լիազորել երրորդ անձի, • առաջարկություններով հանդես գալ Ընկերության բաժնետերերի ընդհանուր ժողովում, • Ընկերության բաժնետերերի ընդհանուր ժողովում քվեարկել իրեն պատկանող բաժնետոմսերի ձայների չափով, • հայցով դիմել դատարան՝ Ընկերության բաժնետերերի ընդհանուր ժողովի կողմից ընդունված և գործող օրենքներին և այլ իրավական ակտերին հակասող որոշումների բողոքարկման նպատակով, • Ընկերության լուծարման դեպքում ստանալ պարտատերերի հետ կատարված հաշվարկներից հետո մնացած Ընկերության գույքի իր հասանելիք մասը կամ դրա արժեքը, • օտարել կամ այլ ձևով այլ անձանց փոխանցել իր սեփականությունը հանդիսացող բաժնետոմսը • օգտվել Ընկերության կանոնադրությամբ նախատեսված այլ իրավունքներից <p>որպես պարտավորություն</p> <ul style="list-style-type: none"> • հասարակ բաժնետոմսերի սեփականատերերը պարտավոր են չհրապարակել Ընկերության գործունեության վերաբերյալ գաղտնիք ներկայացնող տեղեկությունները: • Բաժնետերերը կարող են կրել կանոնադրությամբ նախատեսված և օրենքին ու այլ իրավական ակտերին չհակասող այլ պարտավորություններ: Ընկերության հասարակ բաժնետոմսերի սեփականատերերը կարող են չկատարել կանոնադրությամբ սահմանված լրացուցիչ պարտականությունները, եթե նա դեմ է քվեարկել կամ չի մասնակցել տվյալ հարցերով քվեարկությանը:
2.1.10.	Բաժնետոմսերի տեղաբաշխման սահմանափակումները	<p>Տեղաբաշխման ենթակա բաժնետոմսերը նախատեսվում է տեղաբաշխել Ընկերության տեղաբաշխված բաժնետոմսերի սեփականատերերի կողմից նախապատվության իրավունքի կիրառմամբ: Բաժնետերերի կողմից նախապատվության իրավունքի կիրառման արդյունքում չտեղաբաշխված բաժնետոմսերի ձեռքբերման նկատմամբ սահմանափակումներ չկան:</p>
2.1.11.	Միջոցների օգտագործման նպատակը	<p>Ընկերության կողմից կառուցվող նոր ՀԷԿ-երի կառուցման համար կապիտալ շինարարական աշխատանքների ֆինանսավորման, այդ թվում՝ տվյալ ՀԷԿ-երի կառուցման համար կապիտալ շինարարական աշխատանքների</p>

		Ֆինանսավորման համար Ընկերության կողմից օգտագործված միջոցների վերաֆինանսավորման նպատակով:
2.1.12.	Բաժնետոմսերի հաշվառման համակարգը	Բաժնետոմսերի սեփականատերերի ռեեստրի վարումը կիրականացվի ՀԿԳ-ի միջոցով՝ իր կանոններով սահմանված կարգով: Բաժնետոմսերը կարող են հաշվառվել այլ պահառուի կողմից՝ բաժնետոմսերի սեփականատիրոջ համար արժեթղթերի հաշիվ բացելու և վարելու միջոցով:

- 2.2. Ընկերությունը բաժնետոմսերի տեղաբաշխման կազմակերպման նպատակով նախատեսում է որպես տեղաբաշխող «ԱՐՄՍՎԻՍԲԱՆԿ» ՓԲԸ-ի հետ կնքել բաժնետոմսերի տեղաբաշխման կազմակերպման մասին պայմանագիր: Տեղաբաշխողի վարձատրության չափը սահմանվում է վերջինիս հետ կնքված պայմանագրում և կարող է կախված լինել բաժնետոմսերի տեղաբաշխման արդյունքներից. նախնական համաձայնությամբ այն կկազմի տեղաբաշխման ծավալի [մոտ](#) 1,5%-ը:

3. ԲԱԺՆԵՏՈՄՍԵՐԻ ՏԵՂԱԲԱՇԽՄԱՆ ԿԱՐԳԸ

Ընդհանուր դրույթներ

- 3.1. Բաժնետոմսերը տեղաբաշխվում են նախապատվության իրավունքի կիրառման միջոցով, իսկ բաժնետերերի կողմից նախապատվության իրավունքի կիրառումից հրաժարվելու դեպքում տվյալ բաժնետոմսերը տեղաբաշխվում են ազատ բաժանորդագրության եղանակով:
- 3.2. Բաժնետոմսերի տեղաբաշխումը սկսում է բաժնետոմսերի ազդագրի գրանցման օրվան հաջորդող 33-երորդ օրը և տևում է 15 աշխատանքային օր: Բաժնետոմսերի ազդագրի գրանցման պահից սկսած՝ Ընկերությունը և/կամ տեղաբաշխողը պարտավոր են բաժնետոմսերի տեղաբաշխման, այդ թվում՝ նախապատվության իրավունքի կիրառման ժամկետների մասին տեղեկատվությունը բացահայտել ամսաթվերի նշագրմամբ:
- 3.3. Տեղաբաշխողը պարտավորություն չի կրում ձեռք բերել տեղաբաշխման ժամկետի ավարտի դրությամբ չտեղաբաշխված արժեթղթերը:
- 3.4. Տեղաբաշխումն օրենքով սահմանված հիմքերով չեղյալ ճանաչվելու դեպքում բաժնետոմսերի ձեռք բերման համար վճարված գումարները ներդրողներին ենթակա են վերադարձման տեղաբաշխման չեղյալ ճանաչելու պահից 3 աշխատանքային օրվա ընթացքում (հայտում ներկայացված բանկային ռեկվիզիտներով՝ անկանխիկ եղանակով):
- 3.5. Բաժնետոմսերի տեղաբաշխման ընթացքում բաժնետոմսեր ձեռք բերող անձը բաժնետոմսերի ձեռք բերմամբ (ձեռք բերման հայտի ներկայացմամբ) տալիս է սույն պայմաններն ընդունելու իր համաձայնությունը:
- 3.6. Տեղաբաշխման ընթացքում բաժնետոմսերի փաստացի օտարման կարգը սահմանվում է Ընկերության և Տեղաբաշխողի միջև կնքվող պայմանագրով:

Բաժնետոմսերի տեղաբաշխման գինը

- 3.7. Սույն պայմաններով տեղաբաշխման ենթակա բաժնետոմսերի տեղաբաշխման գինը (այդ թվում՝ նախապատվության իրավունքի կիրառմամբ բաժնետոմսերի ձեռք բերման դեպքում), Խորհուրդը սահմանում է 1110 դրամ:
Տեղաբաշխման գնի մասին տեղեկություններ պետք է ներկայացվեն բաժնետոմսերի ազդագրում և բաժնետոմսերի ազդագրի գրանցումից հետո Ընկերության և/կամ տեղաբաշխողի կողմից հրապարակվող հաղորդագրություններում (բուկլետներում, գովազդային ակցիաներում և այլն), ինչպես նաև ոչ ուշ, քան բաժնետոմսերի տեղաբաշխման սկզբի ամսաթիվը գնի վերաբերյալ տեղեկություններ պետք է ընդգծված կերպով տեղադրված լինեն Ընկերության ինտերնետային կայքի տնային էջում:

Բաժնետոմսերի ձեռք բերման նախապատվության իրավունքի կիրառման պայմաններ

- 3.8. Բաժնետոմսերի ձեռք բերման նախապատվության իրավունքից կարող են օգտվել 21.06.2011թ. դրությամբ Ընկերության բաժնետոմսերի սեփականատերերի ռեեստրում գրանցված անձինք:
- 3.9. Ընկերության կողմից բաժնետոմսերի ձեռք բերման նախապատվության իրավունքի մասին ծանուցումը սույն պայմանների 3.9. կետում նշված անձանց գրավոր եղանակով կներկայացվի ՀՀ կենտրոնական բանկի կողմից բաժնետոմսերի ազդագրի գրանցման օրվան հաջորդող 3 աշխատանքային օրվա ընթացքում:
- 3.10. Ծանուցումը պետք է տեղեկություններ պարունակի՝

ա) բաժնետոմսերի քանակի մասին.

բ) բաժնետոմսերի տեղաբաշխման գնի (այդ թվում՝ բաժնետոմսերի ձեռքբերման նախապատվության իրավունք ունեցող Ընկերության բաժնետերերի համար տեղաբաշխման գնի) մասին.

գ) Ընկերության բաժնետերերի կողմից նախապատվության իրավունքով ձեռքբերվող բաժնետոմսերի քանակի որոշման կարգի, ինչպես նաև այդ իրավունքի իրականացման կարգի և ժամկետների մասին:

3.11. Բաժնետերի իրավունք ունի ամբողջությամբ կամ մասանակի ծավալով կիրառել բաժնետոմսեր ձեռք բերելու իր նախապատվության իրավունքը Ընկերությանը գրավոր ծանուցում ուղարկելու միջոցով, որը պետք է բովանդակի՝

ա) բաժնետիրոջ լրիվ ֆիրմային անվանումը (ֆիզիկական անձի համար՝ անունը), պետական գրանցման տվյալները (անձնագրային տվյալները), գտնվելու (բնակության) վայրը.

բ) ձեռք բերվող բաժնետոմսերի քանակը.

գ) բաժնետոմսերի դիմաց վճարման մասին փաստաթուղթը:

Ծանուցմանը կից Բաժնետիրոջ կողմից պետք է ներկայացվի նաև անձնագրի պատճեն:

3.12. Սույն պայմանների 3.12. կետով նախատեսված ծանուցումը պետք է Ընկերություն ներկայացվի սույն պայմանների 3.2. կետով սահմանված բաժնետոմսերի տեղաբաշխումն սկսելու օրվանից առնվազն մեկ օր առաջ: Ծանուցումը ներկայացված է համարվում, եթե այն ներկայացվել է տեղաբաշխողին:

3.13. Ընկերության կողմից կարող են սահմանվել սույն պայմանների 3.11. և 3.12. կետերով սահմանված ծանուցումների օրինակելի ձևեր, որոնք պետք է ընդգրկվեն բաժնետոմսերի ազդագրում:

3.14. Ընկերության կողմից կարող է չընդունվել սույն պայմանների 3.10. կետով սահմանված ծանուցումը և չբավարարվել նշված ծանուցմամբ գործարքը, եթե ծանուցումը.

- ներկայացված չէ սահմանված ձևին համապատասխան և լրացված է ոչ լիարժեք (այդ թվում՝ բացակայում է բաժնետոմսերի դիմաց վճարման մասին փաստաթուղթը),
- թույլ չի տալիս նույնականացնել բաժնետոմսերը նախապատվության իրավունքով ձեռք բերող անձին,
- ներկայացվել է սույն պայմանների 3.13. կետով նախատեսված նախապատվության իրավունքի կիրառման ժամկետի ավարտից հետո:

3.15. Ծանուցման չընդունման դեպքում բաժնետոմսերը նախապատվության իրավունքով ձեռք բերող անձի կողմից կարող է ներկայացնել նոր ծանուցում՝ վերացնելով դրանում առկա թերությունները և/կամ բացթողումները (անճշտությունները), իսկ այն անհնար լինելու կամ չիրականացվելու դեպքում բաժնետոմսերի ձեռք բերման համար դրամական միջոցները նախապատվության իրավունքի կիրառման ժամկետի ավարտից ոչ ուշ, քան 3 աշխատանքային օրվա ընթացքում ենթակա են վերադարձման անկանխիկ եղանակով (հայտի մեջ նշված բանկային ռեկվիզիտներով):

3.16. Նախապատվության իրավունքը կիրառվում է համամասնորեն և հասանելիք բաժնետոմսերի քանակը որոշվում է յուրաքանչյուր բաժնետիրոջ պատականող բաժնետոմսերի քանակից: Եթե նախապատվության իրավունքի կիրառման արդյունքում որևէ բաժնետիրոջ հասանելիք բաժնետոմսերի թիվը ստացվում է կոտորակային թիվ, ապա այն կլորացվում է միավորի ճշտությամբ (մինչև 0.5-ը դեպի ներքև, իսկ 0.5 և ավելին դեպի վեր), իսկ եթե մեկից փոքր է ստացվում, ապա նրան տրամադրվում է մեկ բաժնետոմս ձեռք բերելու նախապատվության իրավունք: Ընկերության բաժնետերերի կողմից նախապատվության իրավունքից հրաժարվելու մասին բավարար հիմնավորումներ ունենալու դեպքում Ընկերությունը կարող է բոլոր հասանելիք բաժնետոմսերի կոտորակային մասերը կլորացնել ի օգուտ բաժնետիրոջը (այսինքն ցանկացած կոտորակային մասի դիմաց կարող է տրվել մեկ բաժնետոմս):

3.17. Երբ ծանուցման մեջ նշված բաժնետոմսերի քանակը գերազանցում է բաժնետոմսերը նախապատվության իրավունքով ձեռք բերող անձին նախապատվության իրավունքի կիրառման շրջանակում հասանելիք բաժնետոմսերի առավելագույն քանակից, ապա այն ենթակա է բավարարման տվյալ բաժնետիրոջ հասանելիք առավելագույն քանակով, ապա այդ տարբերությունը կարող է բավարարել ազատ բաժանորդագրության ենթակա բաժնետոմսերի հաշվին:

Ընկերությունը պետք է իր ինտերնետային կայքում տեղեկատվություն բացահայտի նախապատվության իրավունքի իրականացման արդյունքների մասին նախապատվության իրավունքի կիրառման ժամկետի ավարտից հետո 3 օրվա ընթացքում:

Բաժնետոմսերի բաժանորդագրության պայմաններ

3.18. Բաժնետոմսերի ազատ բաժանորդագրության ընթացքում բաժնետոմսերի փաստացի օտարման (բաժնետոմսերի փոխանցման) իրականացման հիմք են հանդիսանում բաժնետոմսեր ձեռք բերող անձի կողմից տեղաբաշխողին ներկայացված բաժնետոմսերի բաժանորդագրության հայտը և

հայտում նախատեսված քանակի բաժնետոմսերի ձեռք բերման համար համապատասխան վճարումը հավաստող փաստաթուղթը:

- 3.19. Բաժնետոմսերի ազատ բաժանորդագրության, բաժանորդագրության հայտերի ձևը, դրանց ընդունումն և բավարարման կարգը սահմանվում է տեղաբաշխողի կողմից:

4. ՀՐԱՊԱՐԱԿԱՅԻՆ ԱՌԱՋԱՐԿԻ ՍԱՍԻՆ ՏԵՂԵԿՈՒԹՅՈՒՆՆԵՐԻ ԲԱՅԱՀԱՅՏՄԱՆ ՊԱՅՄԱՆՆԵՐ

- 4.1. Ընկերությունը պարտավոր է ինտերնետային կայքում (www.artsakhpp.com) բաժնետոմսերի հրապարակային առաջարկի, տեղաբաշխման գնի, ժամկետների և կարգի, այդ թվում՝ նախապատվության իրավունքի կիրառման կարգի, նախապատվության իրավունքի կիրառման արդյունքների և բաժնետոմսերի տեղաբաշխման արդյունքների մասին, ինչպես նաև սույն պայմաններով սահմանված պահանջվող այլ տեղեկատվություններ բացահայտել:
- 4.2. Ընկերությունը պարտավոր է բաժնետոմսերի ազդագրի գրանցումից հետո եռօրյա ժամկետում իր ինտերնետային կայքում հրապարակել բաժնետոմսերի ազդագիրը և կից փաստաթղթերը՝ ապահովելով արտաքին օգտագործողներին այն բեռնավորելու հնարավորություն:
- 4.3. Ընկերությունը իրավունք ունի սույն պայմանների 4.1. և 4.2. կետերով նախատեսված, ինչպես նաև տեղաբաշխման ընթացքում տեղաբաշխված բաժնետոմսերի քանակի մասին տեղեկությունները բացահայտել այլ զանգվածային լրատվության միջոցներով, բուկլետներով, ուղեցույցների, վերլուծական նյութերի պատրաստման և գովազդային հոլովակների միջոցով կամ մամուլում տրվող հայտարարությունների միջոցով:

5. ԲԱԺՆԵՏՈՄՍԵՐԻ ԸՐՋԱՆԱՌՈՒԹՅԱՆ ՊԱՅՄԱՆՆԵՐ

- 5.1. Սույն պայմաններով տեղաբաշխման ենթակա բաժնետոմսերի շրջանառությունը պետք է կազմակերպվի Ընկերության նախկինում տեղաբաշխված բաժնետոմսերի հետ միասնական ընդհանուր եղանակով՝ ՀՀ օրենսդրությամբ սահմանված պահանջներին համապատասխան:
- 5.2. Երկրորդային շուկայում բաժնետոմսերի շրջանառությունը (գործարքների կատարումը) կազմակերպվում է «ՆԱՍԴԱԸ ՕԷՄԷԶՍ ԱՐՄԵՆԻԱ» ԲԲԸ ֆոնդային բորսայում՝ վերջինիս կանոններով սահմանված կարգով:
- 5.3. Ընկերությունը բաժնետոմսերի իրացվելիության (գնանշումների կատարման) ապահովման նպատակով կարող է օգտվել շուկա ստեղծողի (մարքեթ մեյքեր) ծառայություններից:

6. ԱՅԼ ՊԱՅՄԱՆՆԵՐ

- 6.1. Սույն պայմաններով չկարգավորվող հարաբերությունները կարգավորվում են ՀՀ գործող օրենսդրությամբ, Ընկերության այլ որոշումներով կամ նրա կողմից կնքված պայմանագրերով (որոնց վերաբերյալ տեղեկությունները կներկայացվեն բաժնետոմսերի ազդագրում այնպես, որ ցանկացած ներդրող հնարավորություն կունենա ծանոթանալ և դրանք հաշվի առնել իր ներդրումային որոշման հիմքում):
- 6.2. Սույն պայմանների ընդունման պահից հետո տեղի ունեցող էական հանգամանքներ կամ փաստեր ի հայտ գալու դեպքում կարող են սույն պայմանների դրույթները կիրառվել մասնակի կամ կիրառվել որոշակի փոփոխություններով, որի մասին բաժնետոմսերի ազդագրում կներառվի այդ էական փաստի կամ հանգամանքի, ինչպես նաև դրույթների կիրառման առանձնահատկությունների մասին մանրամասն տեղեկություններ, եթե այդ դրույթի փոփոխությունը կամ մասնակի կիրառումը չի հանգեցնում օրենքի և այլ իրավական ակտերի, ինչպես նաև Ընկերության կանոնադրության պահանջների խախտմանը:
- 6.3. «Իրավական ակտերի մասին»-[119](#) օրենքի 2-րդ հոդվածի համաձայն սույն պայմանները հանդիսանում են Ընկերության ներքին իրավական ակտ: